

文選

六

文選卷第十六

梁昭明太子撰

森郎守太子右內率府錄事參軍事崇賢館直學士臣李善注上
志下

潘安仁閑居賦

哀傷

司馬長卿長門賦

向子期思舊賦

陸士衡歎逝賦

潘安仁懷舊賦

寡婦賦

江文通恨賦

別賦

志下

閑居賦

并序閑居賦者此蓋取於禮篇不知此事閑靜居坐之意也

潘安仁

晉武帝時人也

岳嘗讀汲黯傳至司馬安四至九卿而良史書之題以

巧官之目未嘗不慨然廢書而歎

漢書汲黯傳曰黯姊

官四至九卿以河南太守卒班固司馬遷贊曰遷有良

之才李陵書曰能不慨然史記太史公曰始齊之崩

通讀樂毅報燕王書未嘗不廢書而泣漢書司馬安黯姊

子也與長孺同傳為人諂佞善事上下故四至九卿之位

班固曰安文善巧故每讀其傳而歎息曰嗟乎巧誠有之拙亦宜

然言誠有巧實之理拙固有之西顧常以為士之生也非至聖無

軌微妙玄通者鄭玄毛詩箋曰顧念也周易曰用無常道事無軌

善為士者微妙玄通深不可識河上公則坐立功立事効當年之用

漢書曰平當書曰建功立事可以求年延篤與張奐書曰列士殉名立功立事也杜預左氏傳注曰効致也是以資忠履

信以進德脩辭立誠以居業周易曰履信思乎順又曰君子進德脩

也僕少竊鄉曲之譽燕丹子夏扶曰士無鄉曲之譽則未可與論行也忝司空太尉之命

所奉之主即太宰魯武公其人也舉秀才為郎臧榮緒晉書曰賈充字公閭封

魯公為司空轉太尉薨贈太宰謚武公又曰岳弱冠太尉舉秀才爾雅曰忝辱也命謂舉命之闕非曰命告也凡尊者之言曰命孝經曰

則周公逮事世祖武皇帝臧榮緒晉書武紀曰帝諱炎字安世崩上號世祖禮記曰逮事父母為

河陽懷令

臧榮緒晉書曰岳出為河陽令轉懷令漢書河內郡有懷縣河陽縣也

尚書郎廷尉平

臧榮緒晉書岳顗宰二邑勤於政績調補尚書郎遷廷尉平為公事免官漢書曰宣帝初置廷尉左右平秩皆六百石平皮命切

今天子諒闇之際

天子惠帝也諒闇令謂凶廬裏寒涼幽闇之處故曰諒闇

領太傅主簿府

主誅除名為民

臧榮緒晉書曰楊駿為太傅輔政高選吏佐引岳為太傅主簿駿誅除名

俄而復官

除長安令

何休公羊傳注曰戢者須吏之間也漢書音義如淳曰凡言除者除故官就新官也

遷博士未召

拜親疾輒去官免自弱冠涉乎知命之年

禮記曰二十曰弱冠論語子曰五十而知天命

孔安國曰知天命之終始

八徙官而一進階再免一除名一不拜職遷者三而已

矣

八徙官謂舉秀才為郎河陽令懷令尚書郎廷尉平領太傅主簿長安令遷博士也一除名謂太傅主簿府誅除名為民也一不拜

職謂遷博士未召拜親疾輒去官也一進階謂徙懷令為尚書郎也再免謂任廷尉平以公事免遷博士以去官免也三遷謂廷尉平領太傅主簿

及遷博士也

雖通塞有遇抑亦拙者之効也

周易曰不出戶庭知通塞也漢書楊雄曰以為遇不遇命也廣

雅曰効驗也

昔通人和長輿之論余也固謂拙於用多

論衡曰博覽古今者爲通人

榮緒晉書曰和嶠字長輿莊子謂惠子曰夫

子固拙於用大尚書周公曰予多士多藝稱多則吾豈敢言拙

信而有徵

論語孔子曰若聖與仁則吾豈敢左氏傳叔何曰君子之言信而有徵

方今俊又在官百

工惟時

方今猶正今也廣雅曰方正也尚書曰俊又在官又曰百工惟時孔安國曰百工皆是言政無非

拙者可以

絕意乎寵榮之事矣太夫人在堂有羸老之疾

漢書曰列侯太夫人

如淳曰列侯之妻稱夫人列侯死子復爲列侯乃得稱太夫人左氏傳荀瑩曰余羸老矣王隱晉書曰岳母寒以數戒焉

尚何能

違膝下色養而屑屑從斗筭之役乎

孝經曰故親生之膝下以養父母日嚴論語子夏問

孝子曰色難左氏傳晉侯謂汝叔齊曰魯侯善禮叔齊曰而屑屑焉習儀以亟方言曰屑屑不靜也論語子曰噫斗筭之人何足算也鄭玄曰筭竹

器也容斗二升表宏後漢紀郭林宗曰大丈夫焉能久處斗筭之役乎

於是覽止足之分庶浮雲之

志

老子曰知足不辱知止不殆注知足之人絕利去欲不辱於身也知可止則止則財利不累於身聲色不亂於耳目終身不危殆也論語孔子

曰不義而富且貴於我如浮雲班固答賓戲曰仲尼抗浮雲之志

築室種樹逍遙自得

毛詩曰築室百堵漢書景

帝詔曰藝種樹可衣食物莊子善養曰余日出而作日入而息逍遙於天地之間而心意自得家語曰原憲衣弊衣冠衍然有自得之志

足以漁釣養稅足以代耕

說文曰稅租也禮記曰夫祿足以代其耕

灌園粥蔬以供

朝夕之膳

列女傳曰於陵子仲為人灌園字書曰粥賣也粥與鬻音義同說文曰膳具食也

牧羊酤酪以俟

伏臘之費

鄭玄周易注曰牧養也廣雅曰酤賣也古護切釋名曰酪乳汁所作也漢書秦德公作伏祠孟康曰六月伏日曆忌釋曰

伏者何也金氣伏藏之日也四時代謝皆以相生立春木代水水生木立夏火代木木生火立冬水代金金生水至於立秋以金代火火畏水故至

庚日必伏庚者金故也臘者風俗通禮傳曰夏曰嘉平殷曰清祀周曰太蜡漢改爲臘臘獵也言獵取禽獸以祭其先祖故曰臘也秦孝公始置伏

始皇改臘

孝平惟孝友于兄弟此亦拙者之爲政也

論語或謂孔子曰子奚不

爲政子曰書云孝乎惟孝友于兄弟施于有政是亦爲政奚其爲爲政包氏曰孝乎惟孝美大孝之辭也友于兄弟善於兄弟也施行也所行有政

道即與爲

乃作閑居賦以歌事遂情焉

韓詩序曰勞者歌其事聲類曰遂從意也

政同也

其辭曰

傲墳素之場圃步先哲之高衢

左氏傳楚靈王曰左史倚相能讀三墳五典八索九丘賈逵曰

三墳三皇之書五典五帝之典八索素王之法九丘亡國之戒墳大也言三皇之大道孔子作春秋素王之文也上林賦曰翱翔乎青圃登樓賦曰假高衢雖吾顏之云厚猶內媿於甯蘧有道吾不仕無道吾

不愚

尚書曰顏厚有怙怙楚漢春秋韓信曰臣內媿於心論語子曰甯武子邦有道則智邦無道則愚其智可及也其愚不可及也又

曰君子哉蘧伯玉邦有道則仕邦無道則卷而懷之何巧智之不足而拙艱之有餘也

管子曰巧

者有餘而拙者不足

於是退而閑居于洛之涘

楊佺期洛陽記曰城南七里名曰洛水蔡邕被襖文曰自求多

福在洛之涘毛萇詩傳曰涘猶涯也

身齊逸民名綴下士

論語子曰逸民伯夷叔齊虞仲夷逸朱張柳下惠少連注逸民

者節行超逸也禮記王制祿爵公侯伯子男凡五等禮記曰諸侯之上大夫卿下大夫上士中士下士凡五等

陪京汧伊面

郊後市

南都賦曰陪京之陽薛綜東京賦注曰汧向也楊佺期洛陽記曰洛水之南名曰伊水周禮曰面朝後市鄭玄儀禮注曰面前

也陸機洛陽記曰洛陽凡三市大市名曰金市公卿之西城中馬市在大城之東洛陽縣市在大城南然此市洛陽縣也浮染黷以

徑度靈臺傑其高峙河南郡縣境界簿曰城南五里洛水浮橋南雅言曰造舟謂之浮梁郭璞曰即今浮橋南雅

曰地謂之黷說文曰黷微青黑色於糾切楚辭曰不能凌波以徑度陸機洛陽記曰靈臺在洛陽南去城三里毛萇詩傳曰傑特立也思玄賦曰松

喬高峙孰能離徐愛射雉賦注曰峙立也闕天文之秘奧究人事之終始日月五星天

新語曰楚王作乾谿之臺闕天文謝承後漢書曰姚俊尤明圖緯秘奧字書曰秘密也廣雅曰奧藏也禮舍文嘉曰禮天子靈臺以考觀天人之際

法陰陽之會易曰歸妹人之終始也其西則有元戎禁營玄幙綠微其西宅之西也元戎兵車

也詩曰元戎十乘以先啓行禁營謂五營也陸機洛陽記曰五營校尉前後左右將軍府皆在城中陸機既不言所處難得而詳也鄭玄禮記注曰

徽旌旗徽旌旗谿子巨黍異黍同機史記蘇秦說韓王曰谿子巨黍者皆射六百步之外許慎曰南方谿子蠻

夷柘弩皆善材也孫卿子曰繁弱巨黍古之良弓異黍同機言弩黍雖異而同一機也漢書音義張晏曰連弩三十黍共一臂然黍弩弓也李奇曰

秦弓也字林曰秦音卷孔安國尚書傳曰機弩牙也本或爲異卷同歸誤也礮石雷駭激矢亟飛礮石今之

拋石也皆匹孝切廣雅曰駭起也呂氏春秋曰激矢遠法言曰羿激矢范
其法飛石重二十斤為機發行三百步東觀漢記光武作飛螭箭以攻
赤眉廣雅曰螭飛箭名也方言曰凡箭三鍊謂之羊頭三鍊長六尺謂之飛螭郭璞曰此謂今之射箭也鍊稜也

我皇威

詩曰元戎十乘以先啓行西都賦曰耀皇威而講武事

其東則有明堂辟廱清穆

敞閑

陸機洛陽記曰辟廱在靈臺東相去一里俱魏武所徙三輔黃圖大司徒宮奏曰明堂辟廱其實一也毛詩曰於穆清廟洞簫賦曰

又足樂乎

環林紫映圓海迴淵

三輔黃圖曰明堂辟廱水四周於外象四海也仲長昌言曰清池自周竹

木自環白虎通曰天子立辟雍者所以行禮樂宣教化辟者象璧圓以法天雍者擁之以水象教化流行也班固東都賦曰曷若辟雍海流

聿追孝以嚴父宗文考以配天

毛萇詩傳曰聿述也南都賦曰奉先祖而追孝孝經曰孝莫大於嚴父嚴

父莫大於配天又曰宗祀文王於明堂以配上帝文考謂晉文王也尚書曰惟予文考

祗聖祖以明順養更老

以崇年

言尊祖父以配天所以明順也養三老五更所以崇年也韓詩曰湯降不遲聖敬日躋言湯聖敬之道上聞於天白虎通曰禮

三老於明堂所以教諸侯孝也禮五更於太學所以教諸侯弟也

若乃昔冬涉春陰謝陽施

七發曰於

是背秋涉冬神農本草曰春夏為陽秋冬為陰楚辭曰青春受謝王遂曰謝去也莊子曰隨四時之施漢書曰陰陽之施化萬物之終始施猶布也

天子有事于柴燎以郊祖而展義

左氏傳宰孔曰天子有事於文武杜預曰有祭事也爾雅

曰祭天曰燔柴郭璞曰既祭積薪燒之周禮曰以禋祀祀昊天上帝以實柴祀日月星辰以槩燎祀司中司命鄭司農曰三祀皆積柴實生體焉燔燎而生煙以報陽也禮記曰周人禘嘗而郊稷鄭玄曰禘郊祖宗謂祀祭以食也左氏傳曰天子非展義不郊將

張鈞天之廣

樂備千乘之萬騎

史記趙簡子曰我之帝所與百神游於鈞天廣樂九奏萬舞恭奉色獨斷曰大法駕備千乘萬騎

服振振以齊玄管啾啾而並吹

左氏傳卜偃曰童謠云衿服振振音真服虔曰衿服黑服也杜預曰

振振威貌也說文曰衿玄服也音均風俗通曰竹曰管郭璞爾雅注曰管長尺圍寸併吹之有底賈氏以為如籥六孔風俗通曰漢帝時零陵文學奚景仲於冷道舜祠下得玉管後人易之以竹王逸楚辭注曰啾啾鳴聲也

煌煌乎隱隱乎

蒼頡篇曰煌煌光明也上

林賦曰煌煌扈扈隱隱盛也又曰沈沈隱隱一作躬躬音義同

茲禮容之壯觀而王制之巨麗也

春秋考異郵曰飾禮容成文法史記曰孔子陳俎豆設禮容漢書龔遂曰坐則誦詩書立則習禮容史記曰天下之壯觀上林賦曰君未覩夫巨麗

兩學齊列雙宇如一

郭緣生述征記曰國學在辟廱東北五里太學在國學東二百步魯靈光殿賦曰萬戶如一

右延國胄左納良逸

爾雅曰延進也國學教胄子太學招賢良太學在國學東尚書曰夢教胄子李尤明堂銘曰夏

惟賢 祁祁生徒濟濟儒術

安革猛詩曰祁祁我徒毛詩曰來假祁祁又曰濟濟多士班固公孫弘贊曰蕭望之

以儒術進 或升之堂或入之室

家語衛將軍文子問於子貢曰吾聞孔子之施教也成之以文德蓋入室升堂七十餘人

教無常師道在則是

尚書曰德無常師主善為師蔡邕勸學篇曰人無貴賤道在則尊論語叔孫武叔曰吾亦

何常師之有道在則是

故髦士投綬名王懷璽

言棄綬藏璽咸來學也毛詩曰髦士攸宜

爾雅曰髦俊也漢書曰匈奴單于遣名王奉獻西京賦曰表璽藏綬

訓若風行應如草靡

論語孔子曰君子之德風

小人之德草草上之風必偃

此里仁所以為美

論語曰里仁為美鄭玄曰里者人之所居也居於仁者之里是為善也

孟母所以三徙也

列女傳曰孟母舍近墓孟子嬉戲為墓間之事孟母曰此非所以居子處也乃去舍市旁其子嬉戲為賈

衡孟母又曰此非所以居子處也乃舍學宮之旁其子嬉戲乃設俎豆進退揖讓孟母曰此真可以居子矣遂居之及孟子長學六藝卒成大儒

爰定我居築室穿池

毛詩曰築室百堵莊子孔子曰魚相造于水者穿池而養給

長楊映沼芳

枳樹籬

馬衍顯志賦曰

游鱗澆澆

澆澆出沒貌高唐賦曰澆澆毛長詩

傳曰齒

竹木蓊藹靈果參差張公大谷之梨梁侯烏桺之柿

廣志曰洛陽比芒山有張公夏梨甚甘海內唯一樹大谷未詳西京雜記曰上林苑有烏桺木廣志曰梁國侯家有烏桺甚美世罕得之桺方彌

切周文弱枝之棗房陵朱仲之李

西京雜記曰上林苑有弱枝棗廣志曰周文王時有弱枝之棗甚美

禁之不令人取置樹苑中王逸荔枝賦曰房陵縹李荊州記房陵縣有好事甚美仙人朱仲來竊大山肅亦稱學問讀岳賦周文弱枝之棗為杖策

之杖世本容成造曆為確磨之磨

靡不畢殖

蒼頡篇曰殖種也

三桃表櫻胡之別二柰曜

丹白之色

漢書音義曰櫻桃含桃也爾雅曰荆桃今櫻桃也冬桃子冬熟也櫻桃山桃也實似桃而小不解核西京雜記曰上林苑

有胡桃出西域廣志曰張掖有白柰酒泉有赤柰

石榴蒲陶之珍磊落蔓衍乎其側

石

即若榴也蒲陶榴燕莫磊落實貌蔓衍長也博物志曰張騫使大夏得石榴李廣利為貳師將軍伐大宛得蒲陶

梅杏郁棣之

屬繁榮麗藻之飾

郁今之郁李揀實似櫻桃也張揖上林賦注曰

實似櫻桃

華實照爛言所不能極也

春秋文輝鈞曰春致其時華實乃榮

菜則芳心韭

蒜芋青筍紫藟薑薺甘旨蓼麥芬芳

毛詩曰薺菜如飴毛萇曰薺菜也居隱切鄭玄

儀禮注曰後廉薑也韻略曰薺香菜也相惟切與薺同

藁荷依陰時藿向陽

崔豹古今注曰藁荷葉似藟宜陰

地依陰而生也鄭玄儀禮注曰藿豆葉也曹子建求親表曰葵藿之傾葉太陽

綠葵含露白雞負霜於是

凜秋暑退熙春寒往

楚辭曰竊獨悲此凜秋字書曰凜寒也左氏傳張通曰火星中而寒暑乃退老子曰衆人熙熙

如登春臺河上公注熙熙淫情欲也熙春陰陽交通萬物感動登臺觀之志章淫故曰熙春廣雅曰熙熾也易曰暑往則寒來

微雨新

晴六清朗

呂氏春秋曰神通乎六合

太夫人乃御版輿升輕軒

禮記曰諸侯曰夫人注夫之言

扶也言能以禮自扶版輿車名傳暢晉諸公贊曰傳祇以足疾版輿上殿版輿一名步輿周遷與服雜事記曰步輿方四尺素才為之以皮為轡網

之自天子至庶人通得乘之

速覽王畿近周家園

周禮曰方千里曰王畿

體以行和盛示

以勞宣

爾雅釋言曰宣徇徇也郭璞注曰皆周徇也杜預左傳注曰宣散也

常膳載加舊痾有痊

說文曰痾病也莊子曰今余病少痊司馬彪曰痊除也

席長筵列孫子柳垂陰車結軌

曹子建名都篇曰列坐竟長筵言屈軌不行也司馬相如難蜀父老曰結軌還轅張揖曰結猶屈也

陸擲紫房水挂

賴魚

馬融高第頌曰黃果揚芳紫房漬漏張載安石榴賦曰紫房獨熟毛萇詩傳曰賴赤也

或宴于林或禊

于汜

史記曰武帝夜溺上續漢書曰三月上巳宮人皆禊於東流水上自洗濯拂除宿疾垢也風俗通曰禊者絜也仲春之時於水被除

故事取於清絜也爾雅曰窮瀆曰汜郭璞注曰水無所通也爾雅曰水決復入曰汜

昆弟班白兒童稚齒

王隱

晉書曰凡御史釋弟燕今豹禮記曰班白不提挈爾雅曰幼稚也方言曰稚小也

稱萬壽以獻觴咸一懼

而一喜

毛詩曰萬壽無疆史記曰武安君起為壽如淳曰上酒為稱壽黃香天子頌曰獻萬年之玉觴論語子曰父母之年不可不知

一則以喜一則以懼孔安國曰見其壽則喜見其衰老則懼

壽觴舉慈顏和

舞賦曰嚴顏和而怡懌

浮杯

樂飲絲竹駢羅

說苑曰公承不仁舉大白浮君廣雅曰浮罰也漢書曰陳平厚具樂飲太尉風俗通曰絲竹曰管西

京賦曰蓬頓足起舞抗音高歌楊惲報孫會宗書曰奮

仲儻賦曰抗音人生安樂孰知其佗佗謂榮貴也國語

高歌為樂之方侯妻之女甚善焉文公退求己而自省信用薄而才劣

論語孔子曰君子求諸己曾子曰旦就業夕而自省奉周任之格言敢陳力而就

列論語孔子曰周任有言曰陳力就列不能者止幾陋身

之不保尚奚擬於明哲爾雅曰幾近也孟子曰士庶人不仁

身此安仁不自保何更擬於仰衆妙而絕思終優遊以養

拙老子曰玄之又玄衆妙之門毛詩曰優哉游哉亦是

哀傷

長門賦一首并序

司馬長卿

孝武皇帝陳皇后時得幸頗妬別在長門宮愁悶悲思

外戚傳曰陳皇后者長公主嫖女也嘗祖嬰與項月起後歸漢為唐邑侯傳子至孫午午尚長公主生女初武帝得

立為太子長公主有力取主女為妃及帝即位立為皇后

擅寵驕貴十餘年而無子聞衛子夫得幸幾死者數焉元

光五年坐女子楚服等為皇后巫蠱祠祭呪詛罷退歸長門宮嫖匹妙切

如天下工為文奉黃金百斤為相如文君取酒漢書曰卓

既奔相如相如與俱之臨卽賣酒舍文君當壚相如身自滌器於市因于解悲愁之辭鄭立儀禮注曰

于為也而相如為文以悟主上說文曰悟覺也陳皇后復得親幸字

曰幸吉而免凶也其辭曰夫何一佳人兮步道遙以自虞神女賦曰夫何神女之妖麗何休公羊傳注曰

據疑問不知者曰何佳人謂陳皇后也楚辭曰聞佳人兮召予說文曰佳善也廣雅曰佳好也爾雅曰虞度也